

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) të Ligjit për mbrojtjen e konkurrencës (“Gazeta zyrtare e Republikës së Maqedonisë” nr. 145/10, 136/11, 41/2014, 53/16 dhe 83/18), dhe duke vepruar sipas njoftimit për përqendrim të dorëzuar nga Shoqëria për kultivim, aktivitete pas vjeljes, blerje dhe tregtim të lajthis SOKOTERA SHPKNJP Manastir, me seli në rr. A nr. 1, fsh. Dragozhani, 7000 Manastir, Republika e Maqedonisë së Veriut, i dorëzuar përmes Vasko Sotkaroski, avokat nga Shoqëria e Avokatëve Papazoski dhe Mishev nga Shkupi, në seancën e mbajtur më 17.08.2022, solli

### AKTVENDIM

Vërtetohet se përqendrimi me të cilin Shoqëria për kultivim, aktivitete pas vjeljes, blerje dhe tregtim të lajthisë SOKOTERA SHPKNJP Manastir, me seli në rr. A nr. 1, f. Dragozhani, 7000 Manastir, Republika e Maqedonisë së Veriut do të fitojë kontrollin mbi shoqërinë për prodhim bujqësor DUSHAN QIRIQ SHPKNJP Rosoman, me seli në rr. Graçansko nr. 2, Rosoman, Republika e Maqedonisë së Veriut, me anë të shitblerjes së pjesëve, edhe pse është në kuadër të dispozitave të Ligjit për mbrojtjen e konkurrencës, nuk do të ketë për pasojë parandalimin, kufizimin ose çrregullimin e konsiderueshëm të konkurrencës efektive të tregut ose pjesës së tij thelbësore, sidomos si rezultat i formimit apo forcimit të pozitës dominuese të pjesëmarrësve dhe si i tillë **është në përputhje me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.**

Parashtruesi i njoftimit për përqendrim obligohet që për njoftimin për përqendrim të paguaj takse administrative në shumë prej 6.000,00 denarë. dhe për aktvendimin në shumën prej 30.000,00 denarë, sipas numrit tarifor 34 të Ligjit për taksa administrative (Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 dhe 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 10000000063095, llogarinë e pagesës 840.....03161, shifrën e të ardhurave dhe programin 72231300.

Padia për ngritjen e kontestit administrativ nuk e prolongon përmbarimin e aktvendimit.

### Arsyetim

Në përputhje të nenit 15 të Ligjit për Mbrojtjen e Konkurrencës, më 27.07.2022, ndërsa plotësuar më 05.08.2022, deri te Komisioni për Mbrojtjen e Konkurrencës (në tekstin e mëtejshëm: Komisioni) u dorëzua një njoftim për përqendrim nga Shoqëria për kultivim, aktivitete pas vjeljes, blerje dhe tregtim të lajthisë SOKOTERA SHPKNJP Manastir, me seli në rr. A nr. 1, fsh. Dragozhani, 7000 Manastir, Republika e Maqedonisë së Veriut me të cilën SOKOTERA SHPKNJP Manastir do të fitojë kontroll mbi Shoqërinë për prodhim bujqësor DUSHAN QIRIQ SHPKNJP Rosoman, me seli në rr. Graçansko nr. 2, Rosoman, Republika e Maqedonisë së Veriut, nëpërmjet shitblerjes së pjesëve.

Komisioni filloi shqyrtimin e Njoftimit nga dita e pranimit të tij dhe në bazën e të dhënave të paraqitura në Njoftimin për përqendrim , shtojcat dhe anekset e tyre, konstatoi si në vijim:

**Aktivitetet themelore afariste të ndërmarrjeve përfshirëse:**

**Shoqëria për kultivim, aktivitete pas vjeljes, blerje dhe tregtim të lajthisë SOKOTERA SHPKNJP Manastir, ushtron aktivitetin e kultivimit, prodhimit dhe tregtisë me shumicë të lajthive.**

SOKOTERA SHPKNJP Manastir është pjesë e grupit Sokotab e cila është themeluar në vitin 1923 me qëllim të blerjes, përpunimit dhe tregtimit të duhanit. Shoqëria kryesore e Socotab Group është Socotab L.L.C., Delaware, e Shteteve të Bashkuara të Amerikës.

Sokotab Group është i pranishëm në Republikën e Maqedonisë së Veriut përmes SOKOTERA SHPKNJP Manastir dhe përmes Shoqërisë për përpunimin e duhanit Sokotab SHPKNJP, Manastir, aktiviteti kryesor i të cilës është tregtia me shumicë e produkteve të duhanit.

**Shoqëria për prodhim bujqësor DUSHAN QIRIQ SHPKNJP Rosoman**, ushtron veprimtarinë e kultivimit, prodhimit dhe shitjes me shumicë të frutave me bërthamë (kryesisht pjeshkë) dhe drithërave të caktuara dhe kulturave të hershme të kopshtit (elb, spinaq dhe spec).

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht përcakton se të njëjtat janë në përputhje me Ligjin për mbrojtjen e konkurrencës*, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës qenësore të tij , veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës. Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

**Udhëzim për mjetin juridik**

Kundër këtij aktvendimi mund të parashtrohet padi për inicim të kontestit administrativ në Gjykatën Administrative të Republikës së Maqedonisë në afat prej 30 ditësh nga dita e dorëzimit të tij.

**KRYETAR**

**I KOMISIONIT PËR MBROJTJEN E KONKURENCËS**

**Prof. Dr. Владимир Наумовски**

